

## BEKEN DEIALDIA

### Human Rights Training Programme 2025 Genevako Giza Eskubideen Kontseiluari buruzko formakuntza programa

#### PROGRAMA ETA HAUTAKETA IRIZPIDEAK

**Genevako (Suitza) Giza Eskubideen Kontseiluari buruzko formakuntza programa batean parte hartzeko 8 beka eskaintzen dira.**

UN Etxeak – UNESCO sustatzeko Euskal Herriko elkarteak, Eusko Jaurlaritzako Giza Eskubideen eta Biktimen Arretarako Zuzendaritzarekin batera, **8 formakuntza-beka** eskaintzen dituzte Euskadi mailan giza eskubideen balioak lantzen dituzten gazteentzat.

Bekadunek formakuntza programa teoriko eta praktikoa batean parte hartzeko aukera izango dute, **Nazio Batuen Giza Eskubideen Kontseiluak Genevan (Suitza) egindako 60. bilkura-aldian**. Kontseilua 2025eko irailaren 8tik urriaren 3ra bitartean egingo da.

**Bidaia data zehatzak** abuztua baino lehen zehaztuko dira, aurreikuspenen arabera, 2025ko irailaren amaieran edo urriaren hasieran izango dira, astelehenetik ostegunera.

Programa Giza Eskubideen Kontseiluaren bilkura-aldien esparruan garatuko da eta Nazio Batuen Sistemaren giza eskubideak babesteko mekanismoen funtzionamendurako hurbilketa teoriko eta praktikoa ahalbidetuko du. Formakuntzaren zati teorikoa, Giza Eskubideen Kontseiluko hainbat instantzian izandako parte-hartze praktikoa eta aurrez-aurrekoarekin osatzen da.

Giza eskubideak babesteko nazioarteko tresnetan eta giza eskubideetan oinarritutako hezkuntzan sakontzeko interesa duten gazteei zuzenduta dago jarduera.

#### **Programa teorikoak honako hauek biltzen ditu\*:**

- Nazio Batuen Sistemak Giza Eskubideak babesteko dituen mekanismoak. Sarrera orokorra:
  - Itunetatik sortutako organoen funtzionamendua eta eragiteko aukerak.
  - Giza Eskubideen Kontseiluaren dinamika.
- Prozedura bereziak:
  - Tipologia.
  - Printzipioak.
  - Agintaldi tematikoak eta geografikoak.
  - Lan-metodoak.
  - Giza eskubideen urraketak jakinarazteko prozedura.
  - Nola parte hartu txostenetan.
  - Mugak.
  - Abantailak.
- Giza Eskubideen Kontseiluaren webgunearen erabilera, informazioa eskuratzeko tresna gisa:
  - Webgunea, extraneta eta beste gune interesgarri batzuk.
- Giza Eskubideen Kontseiluaren Aldizkako Azterketa Unibertsala.

*\*Formakuntzaren behin-betiko programa bidaia baino lehen bidaliko zaie hautatutako pertsoneri.*

**Hautagaien hautaketa** honako irizpide hauetan oinarritutako ebaluazio batean oinarrituta egingo da:

- 18 urtetik 30era bitarteko adina izatea.
- Euskal Autonomia Erkidegoan erroldatuta egotea.
- Giza eskubideei buruzko aurretiko formakuntza edota ezagutza frogagarriak.
- Ezagutzak errepikatzeko espektatibak eta aukerak.
- Giza eskubideetan edo/eta hezkuntzan lan egiten duten euskal eremuko erakunde batekiko lotura.
- Ingeles maila altua.
- Eskuratutako ezagutzak itzultzea: artikulu bat idaztea, komunikazio digitala...
- Genero berdintasunaren eta aniztasunaren sustapenaren irizpideak.

Formakuntza garatzeko beharrezkoak diren materialez gain, **bekaren barruan** hegazkinez egindako bidaia, hotela eta Genevako elikadura daude sartuta.

**Parte-hartzaileek formakuntza programaren saio guztietan parte hartzeko konpromisoa hartzen dute, eta eskuratutako ezagutzak itzultzeko baita.**

**Bestela, bekaren zenbateko itzuli beharko dute.**

Beka eskatzeko, honako hauek bidali behar dira:

- Hautagaiaren **CVa**
- [Aplikazio formularioa](#)

Eskabideak [gizaeskubideak@unetxea.org](mailto:gizaeskubideak@unetxea.org) posta elektronikora bidali behar dira 2025eko maiatzaren 26ra arte (barne), "Geneva beka" erreferentziarekin.